

بالجمله محررات در سعادت پوسته خانه سینه  
تصوف جریده سی نامه کوندر لیلیدر.  
نوطو نومروسی ۱۴۲

# تصوف

صاحب امتیاز و سر محرری  
اورفه مبعوثی  
شیخ صفوت

شرائط اشترا

سنه لکی ممالک عثمانیه ایچون  
۳۰ غروش ، مصر و ممالک اجنبیه  
ایچون ۷ فراقدر .

مرکز توزیمی باب عالی جاده سنده  
جمعیت کتبخانه سیدر  
نسخه سی ۲۰ پاره در

التصوف کله آداب : ابو حفص عمر بن مسلم

عرفای امتک مقالات عارفانه لرینه تصوفک تحقیقه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله "معنویه در"

نه ایسترسک یورو وار آندن ایسته  
خدانک اولو درکاهی کوکلدر .


قطعه سنک مالی قلب عارفک وسعت تجلیسنی پک کوزل  
بیان ایدر .

بویابده اولیاء اللہک بر جوق آناری، اقوالی واردر .  
اساساً یوقاریده افاده اولدینی اوزره اصول مجاهده  
نوع نوع و درجه درجه مقامات سلوکه مخصوص  
اولدیندن مطالعائمه دیگر مقالهده دوام ایدمکجنر .

حسن خلقدر سالکانک مایهسی  
ذکر و فکرک حلقه پیرایهسی

نفسنی ادراک ایسه کر مقصدک  
ترک دعوادر آنک سرمایهسی

شیخ رمزی الرفاعی



قصیده فریده

« مابعد »

وارمیدر بر کسه بو سر عظیمی فهم ایدم  
جسم عرس اعظمی دور ایدن اژدرهای صور

عرشی دور ایدن اژدرها بر سر هویدادرکه فهمی  
مشکلدر ( و ترى الملائكة حافین من حول العرش ) کلام  
عزتی موجبنه ملائکه کرام عرش اطرافنده دائرلدر .  
یعنی عالم ملکوت عالم جبروت حوالده سیر ایدمچی قلنمشدر .  
معلوم اولان ابلیس عالم ملکوت راجع اولدیندن اولدخی  
دیگر ملائکه میانشده داخل وعالم جبروت طرفنده دائرلدر .  
ایشته فهمی مشکل اولان اژدرهادن مراد بودر .

نور ایچنده نار اولورمی کل ایچنده خارزار  
آدم عاصی اولدینی شول جنت مأوای صور

نور ایچنده نار و کل ایچنده خار ینه ذکر اولنان

اژدرهادن عبارتدر تشبہات ایله بیان قلنمشدر . یالکز  
بوراده قدرت فاطرمیه قارشو حیرت واردر . چونکه  
نور ایچنده نار کل ایچنده خار ایله امتزاج ایتمشدرکه  
یکدیگرینک نه عینی نده غیریدر نه برلشمش نده جدا  
دوشمشدر . تمرینی ممکن دکلدر . ارباب ذوق بوکا حیراندر .  
قصه آدم ( ع م ) و جنت هر کسک معلومیدر . بوراده  
ذکر نندن مقصد بیان قلنسان اسرار عجیبه تک ظهورینی  
تعریفدر یعنی صورت امتزاج بو مرکزده اولدینی حالده  
آدم کیم ، شیطان کیم ، عصبان کیمه قارشی اولمشدر ،  
جنت نره سیدر بونلری اوکرن دیمکدر .

زهی زقوم جنهم نعمت جنت نذر  
اصل وفرعی ایله اشبو زهرله حلوائی صور

هر کس جنهمک آتشنندن قوقار ، جنتک انعامنی  
طلب ایدر . سن اصلی فرع ایله برلشدیرده زهر ایله  
حلوائی اول زمان تناول ایت دیمکدر . زهردن مقصد  
قهر ، حلواندن مقصد لطفدر . بو ایکی صفی اصلاً  
فرعاً توحید ایتک لازمدرکه جنت مأوا اوکرنه نیله  
بیلسون که مقام رضادن عبارتدر .

ایکی اودر دیدیلر اما که اصلی اوچ درر  
بویاکی اوچ دار ایچنده دورایدن دارایی صور

ایکی اودن مقصد ینه جنت و جنهمدر اوچنجیبسی ایسه  
جاللدر . اهل عصبان جنهمه ، اهل غفران جتیه ، اهل  
عرفان جاهلراجعدر . سن بواولرک هر اوچسدهده دور  
ایدن دارایی اوکرن دیمکدر .

« دارا » اسکی ایران حکمدارلرندن بریدر . اسکندر  
یونانی ایله مشهور محاربده بولنمشدر بوراده ابرادی تشبیه  
ایچوندردر . مقصد انسان کاملدر چونکه بوکی ذوات جنهمندن  
آتش ایچون قورقاز ، جنتی نعمتی ایچون طلب ایتمز جمالی  
کندوسی ایچون ایسته من هر اوچنده اذن حلقه دائرلدر .

فوق دنیانک هوا ونحی هم اولدی هوا  
برهوا اوزره نهوجیله طورردنیایی صور

خلوته اوج بالاده عرض جمال ایدن نقطه جلوته  
اسفل السافینه رجعت ایلشد . بوده مرتبه کاله وصول  
ایچون اکل درجات خلوت ایلدکن صکره مقام علیای  
جلوته نزوله لزوم اولدینی بیاندر . مقام جلوت ظاهراً  
نزول ایسهده معاً عروج کاملدر اسادن مقصد طریقت  
خلوتیه به مخصوص اولان اونایکی اسمایله طریق جلوتیه به  
مخصوص اولان اوج اسمای تعداد ایتدیرمک دکلدر . چونکه  
جلوت مرتبه سنده کی انسان کامل ( و علم آدم الاسماء کلها )  
سربنه اصل اولش بالجله اسمایه صاحب بولمشد . بناء  
علیه بوراده کی اسادن مراد بوایکی مقامک برلشمه سندن  
حاصل اولان بر اسم مبارکدر که استوا سربنی عیان ایدر  
ایشته اسماء خلافت بودر که هر کس ارادینی اسم اعظمدر .  
کمال وصول ایچون بونی اوکر نمک لازمدر .

دیدي « السلطان ظل الله في الارض » اول حبيب

ظل ندر ذو ظل ندر بوایکی بی همتایی ور

« السلطان ظل الله في الارض » حدیث شریفنده کی  
سلطانندن مقصد قطب الزماندر بو ذات ( انی جامع فی الارض  
خلیفه ) سربنک مظاهریدر .

عجا الهک ظلی دیمکن مقصد ندر ؟ وجود حق حاشا  
جسم دکلدر که ظلی اولسون ! بوشی حالا اکلتمی  
لازم کن بر سردر تحریری مناسب دکلدر . یالکز شویله  
تعریف اولتیبیلور که ذوالظل بالاده ذکر اولان قافک  
اوزرنده نور افشان اولان فقط لدر وظل دخی اشبو  
نقطه لردن یکدیگرینه عکس ایدن نوردن حاصل اولان  
شکل لطیفدر .

هر عصرده سلطنت کیمده قرار ایلر عجب

تا خروج مهدیه دک جله بو آلائی صور

( مابعدی وار )

دنیا دن مقصد عالم شهود ، هوانن مقصد عدم مطلقدر  
مع مافیه بزاصل مناسیله اولان دنیای اله آلام . دنیا اویله  
برساره در که آتی اوستی ، صافی صولی هوای نسیمی در  
بو وجهله خلای مطلق دروننده بویاندر . بناء علیه دنیا  
بر هوا اوزرنده تصل طور بیور آتی اوکر نمک لازمدر .  
شبهه بوق که بونکلیف جهت فیه سی ایچون دکلدر چونکه  
حضرت شیخک قوزموزغرافیا درسی ویرمدیکی آشکاردر .  
بونکله برابر غریبدر که جهت فیه حقیقه تمامیه موافقدر  
معلومدر که ارض جاذبه ودافعه قانونلری موجبجه خلا  
دروننده طورر بوقانونلر ایسه سالف الذکر « هادی —  
مضل » « جلال — جمال » کبی صفتلردن بشقه برشی  
دکلدر . بوالله مقصد حضرت شیخ عالم شهود دنسلان  
موجودات کونییه نک وجودی نه ایله قائمدر . وجود مطلق  
نئون عبارتدر آتی اوکرن دیمکدر .

وارمیدر بوفس موهرمه عجب اصل صحیح

نفس موهومی دخی موهوم اولان الاتی صور

بوصورتده نفس دخی موهومدر عجبا اصلی ندر ؟  
نفس عالم ظلمات ابله عالم اوار بیننده موهوم برظلندن  
عبارتدر یعنی موهوم اولان « الا » در حقیقه « الا »  
غریب برکله در که نفس کی اوج حرفلدر ، اولی ده الف  
اخری ده الف در اورته سنده بولتان لام دخی به ایکی الفک  
برلشمه سندن حاصل اولمشد . بناء علیه اولام دخی  
موهومدر .

بوسری بیلن عنسندنه کلمه توحیدده کی « الا » دخی  
موهومدر زیر لاله دیلنامش اولسه الایه احتیاج بوقدر  
لفظه جلاله دائم و باقیدر .

نتیجه بیت : لای الای براق کنیدی بیل دیمکدر .

خلوتی وجلوتی بر آد اولوب قالدی همان

قاج عدد درهم ندر بوایکیده اسمایی صور

خلوت ایله جلوت ایکیسی ردر بهری بر نام اعتباریدر  
ینلرنده کی فرق نقطه نک صورت ظهورندن نشأت ایشمدر .